

Na osnovu 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 13. stav (2) Zakona o javno-privatnom partnerstvu („Službene novine Zeničko-dobojskog kantona“, broj: 6/16) na prijedlog Ministarstva zdravstva, Vlada Zeničko-dobojskog kantona, na 8. sjednici, održanoj dana 16.02.2023. godine, d o n o s i

ODLUKU

o izmjenama Odluke o imenovanju Radnog tijela za pripremu projekta javno-privatnog partnerstva “Pružanje usluga gamma nožem u JU Kantonalna bolnica Zenica”

Član 1.

(Izmjena člana 2. Odluke)

(1) U Odluci o imenovanju Radnog tijela za pripremu projekta javno-privatnog partnerstva “Pružanje usluga gamma nožem u JU Kantonalna bolnica Zenica” (“Službene novine Zeničko-dobojskog kantona”, broj: 15/18), (u daljem tekstu: Odluka), član 2. mijenja se i glasi:

“U Radno tijelo imenuju se:

1. dr Tarik Zulović - koordinator,
2. dr Rasim Iriškić - član,
3. dr Hakija Bečulić- član,
4. Lejla Beganović, dipl. pravica – član,
5. Muamer Avdić, dipl. ecc. - član,
6. Armin Duraković mr. fizike - član,
7. Dženita Hrgić, dipl pravica - član.

(2) Radnim tijelom će koordinirati dr Tarik Zulović vršilac dužnosti direktora JU Kantonalna bolnica Zenica”.

Član 2.

(Izmjena člana 5. Odluke)

Član 5. Odluke mijenja se i glasi: „Rok za realizaciju obaveza propisanih članom 3. Odluke je 31.12.2023. godine“.

Član 3.

(Izmjena člana 7. Odluke)

Član 7. Odluke mijenja se i glasi: „Projektni zadatak - Projekat javno-privatnog partnerstva “Pružanje usluga gamma nožem u JU Kantonalna bolnica Zenica” - januar 2023. godine, kojim su utvrđeni zadaci Radnog tijela i rokovi za izvršenje zadataka“, čini sastavni dio ove odluke (PRILOG 1.).

Član 4.
(Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-30-2672/23

Datum, 16.02.2023. godine

Z e n i c a

DOSTAVLJENO:

1x Ministarstvo zdravstva,

1x Ministarstvo za privredu,

1x JU Kantonalna bolnica Zenica, putem Ministarstva,

1x „Službene novine Zeničko-dobojskog kantona“,

1x a/a.

1.)

JU KANTONALNA BOLNICA ZENICA

PROJEKTN I ZADAT AK

Projekat javno-privatnog partnerstva
„Pružanje usluga gamma nožem u JU Kantonalna bolnica Zenica“

Februar, 2023. godine

I - ZADACI RADNOG TIJELA

- 1) Radno tijelo je nadležno za sljedeće aktivnosti:
 - a) izradu dinamičkog plana za pripremu javno-privatnog partnerstva,
 - b) izradu i dopunu i finalnog kratkog opisa projekta javno-privatnog partnerstva,
 - c) izradu tenderske dokumentacije za odabir privatnog partnera i
 - d) pripremu nacрта ugovora.
- 2) Članovi Radnog tijela imaju pravo i obavezu da:
 - a) redovno prisustvuju sjednicama Radnog tijela, te da izostanak sa sjednice radnog tijela blagovremeno najave i opravdaju,
 - b) aktivno učestvuju u radu radnog tijela, slobodno iznose vlastito mišljenje, daju prijedloge i sugestije i glasaju prilikom donošenja odluka i
 - c) izvršavaju obaveze koje utvrdi Radno tijelo.
- 3) Radno tijelo punovažno radi i donosi odluke ako sastanku Radnog tijela prisustvuju dvije trećine članova Radnog tijela.

II - DONOŠENJE POSLOVNIKA O RADU RADNOG TIJELA

Poslovnik o radu Radnog tijela je izrađen u skladu sa Projektnim zadatkom i Odlukom o imenovanju Radnog tijela za pripremu projekta javno-privatnog partnerstva “Pružanje usluga gamma nožem u JU Kantonalna bolnica Zenica” (“Službene novine Zeničko-dobojskog kantona”, broj: 15/18).

Izrađen: oktobar 2018. godine.

III - IZRADA DINAMIČKOG PLANA RADA

Dinamički plan rada je izrađen u skladu sa članom 14. Zakona o javno-privatnom partnerstvu (“Službene novine Zeničko-dobojskog kantona”, broj: 6/16), (u daljem tekstu: Zakon) i članom 12. Uredbe o identifikaciji, pripremi, ugovaranju i praćenju implementacije projekta javno-privatnog partnerstva (“Službene novine Zeničko-dobojskog kantona”, broj: 3/17).

Izrađen: novembar 2018. godine,
Rok za izmjenu: mart 2023. godine.

IV - IZRADA FINALNOG KRATKOG OPISA PROJEKTA

Finalni kratki opis projekta je izrađen u skladu sa članom 15. Zakona.

Izrađen: novembar 2018. godine.
Rok za izmjenu: mart 2023. godine.

V - ODABIR JAVNOG PARTNERA ZA IZRADU STUDIJE IZVODLJIVOSTI I IDEJNOG PROJEKTA

Odabir privantog partnera će se izvršiti u skladu sa članom 18. Zakona.

Rok: maj 2023.godine.

VI - IZRADA TENDERSKE DOKUMENTACIJE ZA ODABIR PRIVATNOG PARTNERA

Tendersku dokumentaciju za odabir privantog partnera će izraditi Javni partner u skladu sa članom 19. Zakona.

Rok: oktobar 2023.godine.

VII PRIPREMA NACRTA UGOVORA O JAVNO-PRIVATNOM PARTNERSTU

Nacrt ugovora će izraditi Radno tijelo, u skladu sa članom 21. Zakona.

Rok: novembar 2023. godine.